

Wie sich die Weiber/ für/ inn/ vnd
vns fordert daß wir für vnsern nehesten/
so er in nöten ist/ nicht weniger bitten sol
len/ als wenn wir selbst anligen haben/
vnd das ist auch gar billich/ Ah lieber
Gott/ gefell es vns doch wol / wenn es
vns vbel gehet / daß man sich vnser ans
nimbt/ vnd herzlichen Gott den HERN
für vns anruft / deßgleichen sol
len wir gegen vnsern nehesten vnd gegen
den geberenden Weiberen auch thun.
Auch sollen wir vns alle bey den geberen
den Weibern/ beyde / so bey ihnen seyn/
vnd auch nicht seyn / erinnern / was für
ein böß vnd greuwlich ding vmb die sün
de sey/ wie Gott der feind sey vnd auch
greuwlichen straffe / vnd wie wir durch
die sünde inn jammer vnd not kommen
seyn/ vnd auch die Weiber vmb der sün
de willen inn der Kindergeburt sich viel
dulden vnd leyden müssen / Auch sollen
wir vns darbey prüffen / was wir für ar
me sündler vnd böse Menschen seyn/ vnd
wie vil sünde wir auff vns haben/ vnd
ders